

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

漢魏六朝百三家集

晉

第三十三冊

東廣徵
夏侯常侍

1.33-34

來寶齋

束廣微集

PL

2494

H38

1879

V. 33-36

束廣微集題辭

晉世笑束先生勸農及粦諸賦文辭
鄙俗今雜置賦苑反覺其質致近古
繇彼雕績少也廣微沈退作立居釋
以擬客難張茂先見而奇之顧其文
曼倩醕也此粕也獨痛言周漢衰時

禍福無轍朝卿相夕鼎烹功名之士
可爲嚙指出血當途典午牝鳴狼噬
衣冠達人誅無遺種中散幽憤之詩
逸民崇有之論俱無救於溘死始知
太虛立鑪嚴叟鄭老投足天地不如
一卷豈虛談乎集中數議爾雅之文

不愧典冊補亡詩志高而辭淺欲以
續經罷不勝任也三百風微古詩終
絕韋孟諷諫傅毅廸志俱非昔響降
而西晉誰爲朱紘哉汲墓竹簡高高
科斗自博學者觀之直其戶牖書也
曲水之對見榮人主何異東方名藻

神中壘辨貳負乎

婁東張溥題

晉束廣微集目錄

賦

貧家賦

餅賦

勸農賦

近遊賦

讀書賦

論

春夏封諸侯論

議

廣農議

高禘壇石議

婚姻以時議

風伯雨師不得避諱議

又議

對

三日曲水對

文

弔蕭孟恩文

弔衛巨山文

雜文

立居釋

集語

詩

補亡詩六首

有序

南陔

白華

華黍

繇庚

崇邱

繇儀

附錄

本傳

東廣微集目錄終

晉束廣微集卷全

晉 束皙廣微 著

明 張溥西銘 閱

賦

貧家賦

載菰文

余遭家之軼軻，嬰六極之困屯。恒歎身以勞思，
丁饑寒之苦辛。無原憲之厚德，有民斯之下貧。
有漏狹之草屋，無蔽覆之受塵。唯曲壁之常在，
昔弛落而壓鎮。食草葉而不飽，常嗷嗷於膳珍。

涉孟夏之季月、迄仲冬之堅冰、稍煎熾而窮迫、
無衣褐以蔽身、還趨牀而無被、於狂攘而妄牽、
何長夜之難曉、心咨嗟以怨天、債家至而相敦、
乃取東而償、鹵行乞貸而無處、退顧影以自憐、
衍賣業而難售、遂前至於饑年、煮黃當之草菜、
作汪洋之羹醢、釜遲鈍而難沸、薪鬱絀而不然、
至日中而不熟、心苦苦而饑懸、丈夫慨於堂上、
妻妾歎於竈間、悲風噉於左側、小兒啼於右邊、

餅賦

載菰文

立冬猛寒。清晨之會。涕凍鼻中。霜凝口外。充盈
解戰。湯餅爲最。弱似春絲。白若秋練。氣勃鬱以
揚。布香飛散。而遠逼行人。失延於下風。童僕空
噍。而斜眄。擎器者。舐脣立侍者。乾咽。

勸農賦

載菽文

惟百里之置吏。各區別而異曹。考治民之賤職。
美莫當乎勸農。專一里之權。擅百家之勢。及至
青幡禁乎游惰。田賦度乎頃畝。與奪在已。良薄
澹口。受饒邱於肥脯。得力在於美酒。若場功畢。

東坡全集卷之三
租、輸、至、錄、社、長、召、閭、師、條、牒、所、領、注、列、名、諱、則、
豚、鷄、爭、下、壺、榼、橫、至、遂、乃、定、一、以、爲、十、拘、五、以、
爲、二、蓋、田、熟、啖、紆、其、腹、而、杜、康、啗、其、胃、

近遊賦

載蕤文

世有逸民在乎由疇宅彌五畝志狹九州安窮
賤於下里寘玄澹而無求乘算輅之偃蹇駕蘭
單之疲牛連槌索以爲鞅結斷梗而作鞅攀葦
門而高蹈謁徘徊而近遊井則兩家共一園必
去舍百步貫鷄穀於歲首收鷄糶於勃牙其男

女服飾衣裳之制名號詭異隨迭設繫襦以御
冬。負汗衫以當熱。帽引四角之縫。裙爲素條之
殺。書兒啼於客堂。設杜門以避吏嬭。皆卿夫子
呼父字。及至三農間隙。遘結婚姻。老公戴合歡
之帽。少年著蕞角之巾。

讀書賦

載菴文

耽道先生澹泊閒居。藻練精神。呼吸清虛。抗志
雲表。戢形陋廬。垂帷帳以隱几。被紈素而讀書。
抑揚嘈噴。或疾或徐。優游蘊藉。亦卷亦舒。頌卷

耳則忠臣喜。詠蓼莪則孝子悲。稱碩鼠則貪民去。唱白駒而賢士歸。是故重華詠詩以終已。仲尼讀易於終身。原憲潛吟而忘賤。顏回精勤以輕貧。倪寬口誦而芸耨。買臣行吟而負薪。賢聖其猶孳孳。况中才與小人。

論

春夏封諸侯論

月令所紀。非一王之制。凡稱古者。無遠今之限。未知夏封諸侯。何代之典。秋祭田邑。夏乎殷乎。而王據月令。以非祭統。鄭宗祭統。而疑月令。無乃俱未通哉。莫若通以三代。說兩氏而不俱一也。

東廣徵集

卷全

議

廣農議

伏見詔書以倉廩不實。關右饑窮。欲大興田農。以蕃嘉穀。此誠有虞戒大禹盡力之謂。然農穰可致。所繇者三。一曰天時不讐。一曰地理無失。三曰人力咸用。若必春無霖霖之潤。秋繁滂沱之患。水旱失中。雩禳有請。雖使羲和平秩后稷親農。理疆畛於原隰。勤蔗蓂於中田。猶不足以致倉庾盈億之積也。然地理可以計生。人力可

以課致詔書之旨亦欲將盡此理乎。今天下干
城。人多遊食。廢業占空。無田課之實。較計九州。
數過萬計。可申嚴此防。令監司精察。一人失課。
負及郡縣。此人力之可致也。又州司十郡土狹。
人繁。三魏尤甚。而猪牛馬牧布其境內。宜悉破
廢。以供無業業少之人。雖頗割徙。在者猶多。田
諸苑牧。不樂曠野。貪在人間。故謂北土不宜畜
牧。此誠不然。案古今之語。以爲馬之所生。實在
冀北。大賈特羊取之。清渤放豕之歌。起於鉅鹿。

是其效也。可悉徙諸牧，以充其地。使馬牛猪羊，
齧草於空虛之田。游食之人，受業於賦給之賜。
此地利之可致者也。昔騅駟在坳，史克所以頌。
魯僖却馬務田，老氏所以稱有道。豈利之所以。
會哉。又如汲郡之吳澤，良田數千頃，貯水停滲。
人不墾植，聞其國人皆謂通泄之功，不足爲難。
烏鹵成原，其利甚重，而豪强大族惜其魚捕之。
饒構說官長，終於不破。此亦谷口之謠，載在史。
篇。謂宜復下郡縣，以詳當今之計。荆揚充豫，汙

泥之土。渠塢之宜。必多此類。最是不待天時而。豐年可獲者也。以其雲雨生於畚耜。多稌生於決泄。不必望朝。濟而黃潦臻。滎山川而霖雨息。是故兩周爭東西之流。史起惜漳渠之浸。明地利之重也。宜詔四州刺史。使謹按以聞。又昔魏氏徙三郡人在陽平。頓邱界。今者繁盛。合五六千家。二郡田地逼狹。謂可徙遷西州。以充邊上。賜其十年之復。以慰重遷之情。一舉兩得。外實內寬。增廣窮人之業。以闢西郊之田。此又農事。

之大益也。

高禰壇石議

元康六年高禰壇上石破爲二段，詔書問置此石來幾時，出何經典，今應復否。博士議祀無高禰置石之文，未知設造所由，旣已毀破，無可改造，說高辛氏有簡狄吞卵之祥，今此石有吞卵之象，蓋俗說所爲，而史籍無記，可但收聚，復于舊處而已。太常以爲吞卵之言，蓋是逸俗之失義，因今毀破，便宜廢除，下四府博士議。賊曹屬束皙議，後得高堂隆故事，詔更置石如舊。

夫未詳其置之故，而欲必其可除之理，不可然。按郊祀志，秦漢不祀高禰。漢武帝五子傳，武帝

晚得太子。始爲立祿。其事未之能審。許慎五經異說云。山陽民祭。皆以石爲主。然則石之爲主。繇來尚矣。祭禮龜策祭器弊。則埋之。而改置新石。今破則宜埋而更造。不宜遂廢。收集破石。積之故處。於禮無依。於事不肅。愚所未安也。

婚姻以時議

春秋二百四十年。魯女出嫁。夫人來歸。大夫迎女。天王娶后。自正月至十二月。悉不以得時失時爲貶褒。何限於仲春季秋以相非哉。夫春秋

舉秋毫之善。貶纖介之惡。故春狩於邱書。時禮也。夏城中邱書。不時也。此人間小事。猶書得時失時。況婚姻人倫端始。禮之大者。不書得時失時。不善者耶。若婚姻季秋。期盡仲春。則隱二年冬十月。夏之八月。未及季秋。伯姬歸于紀。周之季春。夏之正月也。桓九年春。季姜歸于京師。莊二十五年六月。夏之四月也。已過仲春。伯姬歸于紀。或出盛時之前。或在期盡之後。而經無貶文。三傳不譏。何哉。凡詩人之興取。義繁廣。或舉

譬。類。或。稱。所。見。不。必。皆。可。以。定。候。也。又。按。桃。夭。篇。叙。美。婚。姻。以。時。蓋。謂。盛。壯。之。時。而。非。日。月。之。時。故。灼。灼。其。華。喻。以。盛。壯。非。爲。嫁。娶。當。用。桃。夭。之。月。其。次。章。云。其。葉。蓁。蓁。有。蕢。其。實。子。之。于。歸。此。豈。在。仲。春。之。月。乎。又。標。梅。三。章。注。曰。夏。之。向。晚。迫。冰。未。泮。正。月。以。前。草。蟲。嚶。嚶。末。秋。之。時。或。言。嫁。娶。或。美。男。女。及。時。然。詠。各。異。矣。周。禮。以。仲。春。會。男。女。之。無。夫。家。者。蓋。一。切。相。配。合。之。時。而。非。常。人。之。節。曲。禮。曰。男。女。非。有。行。媒。不。相。知。名。

故日月以告君。齋戒以告鬼神。若萬人必在仲
春。則其日月有常。不得前却。何復日月以告君
乎。夫冠婚笄嫁。男女之節。冠以二十。爲限。而無
春秋之期。笄以嫁。而設不以日月爲斷。何獨嫁
娶當繫於時月乎。

風伯雨師不得避諱議

元康七年詔書稱咸甯元年詔下尊諱風伯雨
師。皆爲詒訓。又公官文書吏人上事。稱引經書
者。復多迴避。使大義不明。諸經傳咸言天神星

宿帝王稱號。皆不得變易本文。但省事言語。臨時訓避而已。

又議

太常博士華簡言按周禮大宗伯職云猶燎祀司中司命風師雨師此禮文正稱應如丙辰詔書不改其名事下五府博議賊曹屬東哲議

按風伯之名所由來遠其在漢魏固已有之非晉氏避諱始造此號也。若以異於周禮宜當變改。則今國家行事神物稱號多因近代不皆率古蓋亦簡易而從。仍舊隨時之制不足悉變。唯

兩師之名實繇避諱宜如舊稱。

對

三日曲水對

昔周公城洛邑。因流水以汎酒。故逸詩云。羽觴隨波。又秦昭王以三日置酒河曲。見金人奉水心之劍曰。令君制有西夏。乃霸諸侯。因此立爲曲水。二漢相緣。皆爲盛集。

東廣從集

卷全

弔蕭孟恩文

東海蕭惠孟恩者，父昔爲御史，與哲先君同僚。孟恩及哲，日夕同遊，分義蚤著。孟恩夫婦皆亡，門無血胤。時有伯母從兄之憂，未得自往，致文一篇，以弔其寃。并修薄奠。其文曰：舊友人陽平束皙，謹請同業生李察，奉脯修一束，麥糲一器，以致祠於處士蕭生之墓。曰：嗚呼哀哉！精爽遐登，形骸幽匿。有邪亡邪，莫之能測。敬薦薄饋，寃寃兮來食。孟恩孟恩，豈猶我識。

弔衛巨山文

元康元年，楚王瑋矯詔舉兵，害太保衛公及公四子三孫。公世子黃門郎巨山，與哲有好交，時自本郡來赴其喪，作弔文一篇，以告其柩，曰：同志舊友，陽平東督頃聞飛虎肆暴，竊矯皇制，禍集于子。宗祊幾滅，越自冀方，來赴來闕，遙望子第。銘旌藁立，旣闕子庭。其殯盈十，徘徊感動，載號載泣，歛袂升階。子不我揖，引袂受祛。子不我執，鬼兮鬼兮，于焉栖集。

雜文

立居釋

束皙閒居門人竝侍方下帷深譚隱機而啗含
毫散藻考撰同異在側者進而問之曰蓋聞道
尚變通達者無窮世亂則救其紛時泰則扶其
隆振天維以贊百務熙帝載而鼓皇風生則率
土樂其存死則宇內哀其終是以君子屈已伸
道不恥于時上國有不索何獲之言周易著躍
以求進之辭莘老負金鉉以陳烹割之說齊客

當康衢而咏白水之詩。今先生耽道修藝。巍然
山峙。潛朗通微。洽覽深識。夜兼忘寐之勤。晝騁
鑽立之思。曠年累稔。不墮其志。鱗翼成而愈伏。
術業優而不試。乃欲闔匱辭價。泥蟠深處。永戢
琳琅之耀。匿首窮魚之渚。當唐年而慕長沮。邦
有道而反甯武。識彼迷此。愚竊不取。若乃士以
援登進。必待求。附藝之黨。橫權。則林藪之彥。不
抽。丹墀步執。袴之童。東野遺白顛之叟。盍亦因
子都而事博陸。憑鷁首以涉洪流。蹈翠雲以駭

逸龍振光耀以驚沈鱗。徒屈蟠於陷井。眇天路而不游。學旣種而身困。夫何爲乎秘丘。且歲不我與。時若奔駟。有來無反。難得易失。先生不知盱豫之譏。悔遲而忘。夫朋盍之義務疾。亦豈能登海湄而抑東流之水。臨虞泉而招西歸之日。徒以曲畏爲桎。儒學自桎。囚大道于環堵。苦形骸于蓬室。豈若託身權威。憑勢假力。擇棲芳林。飛不待翼。夕宿七娥之房。朝享五鼎之食。匡三正則太階平。贊五教而玉繩直。孰若茹藿食蔬。

終身以匿哉。束子曰：居，吾將導爾以君子之道。
諭爾以出處之事，爾其明受余訊，謹聽余志。昔
元一既啓，兩儀肇立，離光夜隱，望舒晝戢，羽族
翔林，蠕蛸赴濕，物從性之所安，士樂志之所執，
或背豐榮以巖栖，或排蘭闥而求入，在野者龍
逸，在朝者鳳集，雖其軌迹不同，而道無貴賤，必
安其業，交而相羨，稷契奮庸，以宣道，巢繇洗耳，
以避禪，同垂不朽之稱，俱入賢者之流，叅名此
譽，誰劣誰優？何必貪與二八爲羣，而恥爲七人

之疇乎且道睽而通士不同趣吾竊綴處者之
末行未敢聞子之高喻將忽蒲輪而不眴夫何
權威之云附哉昔周漢中衰時難自託福兆旣
開患端亦作朝遊巍峩之宮夕墜崢嶸之壑晝
笑夜歎晨華暮落忠不足以衛已禍不可以預
度是士諱登朝而競赴臨薄或毀名自汙或不
食其祿比從政於匡笥之龜譬官者於郊廟之
饋公孫泣涕而辭相楊雄抗論於赤族今大晉
熙隆六合甯靜蜂蠆止毒熊羆輟猛五刑勿用

八紘備整。主無驕肆之怒。臣無鞶纓之請。上下相安。率禮從道。朝養觸邪之獸。庭有指佞之草。禍戮可以忠逃。寵祿可以順保。且夫進無險懼。而惟寂之務者。率其性也。兩可俱是。而舍彼趣此者。從其志也。蓋無爲可以解天下之紛。澹泊可以救國家之急。當位者事有所窮。陳策者言有不入。翟璜不能迴西鄰之寇。平勃不能正如意之立。干木臥而秦師退。四皓起而戚姬泣。夫如是。何舍何執。何去何就。謂山岑之林爲芳谷。

底之莽爲臭。守分任可。唯天所授。鳥不假甲。干
龜魚不假足。干獸何必笑。孤竹之貧而羨齊景
之富。恥布衣以肆志。甯文裘而拖繡。且能約其
躬。則儋石之穡以豐。苟肆其欲。則海陵之積不
足。存道德者。則匹夫之身可榮。忘大倫者。則萬
乘之主猶辱。將研六籍以訓世。守寂泊以鎮俗。
偶鄭老於海隅。匹嚴叟於僻蜀。且世以太虛爲
輿。立鑪爲肆。神游莫競之林。心存無營之室。榮
利不擾其覺。殷憂不干其寐。捐夸者之所貪。收

東坡先生集 卷之三 二
躁務之所棄。雖聖籍之荒蕪。總群言之一至。全
素履於邱園。背纓綏而長逸。請子課吾業於千
載。無聽吾言於今日也。

集語

薄冰凝池。非登廟之寶。霖露垂林。非綴冕之飾。
必將採素璧於層山。採圓珠於重泉也。

詩

補亡詩六首

有序 詩家直說云東晉補亡詩對偶精切辭語流麗不

脫六朝

氣習

序曰晉與同業疇人肄修鄉飲之禮然所詠之詩或有義無辭音樂取節闕而不備于是遙想既往思存在昔補著其文以綴舊制

南陔孝子相戒以養也

循彼南陔言采其蘭眷戀庭闈心不遑安彼居之子罔或游盤馨爾夕膳潔爾晨餐循彼南陔

厥草油油，彼居之子，色思其柔。眷戀庭闈，心不
遑留。馨爾夕膳，潔爾晨羞。有獺有獺，在河之涘。
凌波赴泊，噬鯨捕鯉。嗷嗷林鳥，受哺于子。養隆
敬薄，惟禽之似。勗增爾虔，以介丕祉。

白華孝子之潔白也

白華之萼，被於幽薄。粲粲門子，如磨如錯。終晨
三省，匪愾其恪。白華絳趺，在陵之陬。蓓蓓土子，
煌而不渝。竭誠盡敬，亶亶忘劬。白華立足，在邱
之曲。堂堂處子，無營無欲。鮮侔晨葩，莫之點辱。

華黍時和歲豐宜黍稷也

黼黼重雲習習和風黍華陵巔麥秀邱中靡田
不播九穀斯豐奕奕立霄濛濛甘露黍發稠華
禾挺其秀靡田不殖九穀斯茂無高不播無下
不植芒芒其稼參參其穡穡我王委充我民食
玉燭陽明顯猷翼翼

由庚萬物由其道也

蕩蕩夷庚物則由之蠢蠢庶類王亦柔之道之
既由化之既柔木以秋零草以春抽獸在于草

魚躍順流、四時遞謝、八風代扇、纖阿案晷、星變其躔、五緯不愆、六氣無易、悵悵我王、紹文之跡、崇邱萬物得極其高大也

瞻彼崇邱、其林藹藹、值物斯高、動類斯大、周風既洽、王猷允泰、漫漫方輿、迴迴洪覆、何類不繁、何生不茂、物極其性、人永其壽、恢恢大圓、茫茫九壤、資生仰化、于何不養、人無道天、物極則長、由儀萬物之生、各得其儀也

肅肅君子、由儀率性、明明后辟、仁以爲政、魚游

清沼鳥萃平林濯鱗鼓翼振振其音賓寫爾誠
主竭其心時之和矣何思何修文化內輯武功
外悠

本傳

束皙字廣微陽平元城人漢太子太傅疎廣之後也王莽末廣曾孫孟達避難自東海徙居沙鹿山南因去疎之足遂改姓焉祖混隴西太守父龕馮翊太守並有名譽皙博學多聞與兄璆俱知名少游國學或問博士曹志曰當今好學者誰乎志曰陽平束廣微好學不倦人莫及也還鄉里察孝廉舉茂才皆不就璆娶石鑒從女棄之鑒以爲憾諷州郡公府不得辟故皙等久

不得調太康中郡界大旱。晁爲邑人請雨。三日而雨注。衆爲晁誠感。爲作歌曰。東先生通神明。請天三日甘雨零。我黍以育。我稷以生。何以疇之。報東長生。晁與衛恒厚善。聞恒遇禍。自本郡赴喪。嘗爲勸農及甦諸賦文。頗鄙俗。時人薄之。而性沈退。不慕榮利。作立居釋以擬客難。張華見而奇之。石鑒卒。王戎乃辟瑒。華召晁爲掾。又爲司空下邳王晃所辟。華爲司空。復以爲賊曹屬。時欲廣農。晁上議。轉佐著作郎。撰晉書帝紀。

十志遷轉博士著作如故初太康二年汲郡人不準盜發魏襄王墓或言安釐王冢得竹書數十車其紀年十三篇記夏以來至周幽王爲犬戎所滅以事接之三家分仍述魏事至安釐王之二十年蓋魏國之史書大畧與春秋皆多相應其中經傳大異則云夏年多殷益千啓位啓殺之太甲殺伊尹文丁殺季歷自周受命至穆王百年非穆王壽百歲也幽王旣亡有共伯和者攝行天子事非二相共和也其易經二篇與

周易上下經同。易繇陰陽卦二篇。與周易畧同。繇辭則易卦下易經一篇似說卦。而異公孫段二篇。公孫段與邵陟論易。國語三篇。言楚晉事名。三篇似禮記。又似爾雅。論語師春一篇。書左傳諸卜筮。師春似是造書者姓名也。瑣語十一篇。諸國卜夢妖怪相書也。梁邱藏一篇。先叙魏之世數。次言邱藏金王事。繳書二篇。論弋射法。生封一篇。帝王所封。大厯二篇。鄒子談天類也。穆天子傳五篇。言周穆王游行四海。見帝臺西。

王母圖詩一篇。畫贊之屬也。又雜書十九篇。周食田法。周書論楚事。周穆王美人盛姬死事。大凡七十五篇。七篇簡書折壞不識名題。冢中又得銅劒一枚。長二尺五寸。漆書皆科斗字。初發冢者燒策照取寶物。及官收之多燼。簡斷札文既殘缺。不復詮次。武帝以其書付秘書校綴次第。尋考指歸。而以今文寫之。皆在著作。得觀竹書隨疑分釋。皆有義證。遷尚書郎。武帝嘗問摯虞三日曲水之義。虞對曰。漢章帝時。平原徐肇

以三月初生三女至三日俱亡村人以爲怪乃
招攜之水濱洗祓遂因水以汎觴其義起此帝
曰必如所談便非好事哲進曰虞小生不足以
知臣請言之昔周公城洛邑因流水以汎酒故
逸詩云羽觴隨波又秦昭王以三日置酒河曲
見金人奉水心之劍曰令君制有西夏乃霸諸
侯因此立爲曲水二漢相緣皆爲盛集帝大悅
賜暫金五十斤時有人於嵩高山下得竹簡一
枚上兩行科斗書傳以相示莫有知者司空張

華以問皙，皙曰：「此漢明帝顯節陵中策文也。」檢驗果然。時人伏其博識。趙王倫爲相國，請爲記室。皙辭疾罷歸，教授門徒。年四十卒。元城市里爲之廢業。門生故人立碑墓側。皙才學博通，所著三魏人士傳、七代通記、晉書紀志，遇亂亡失。其五經通論、發蒙記、補亡詩文集數十篇，行於世云。

束廣微集終

束廣微集

卷八

傳

三

東坡先生集

東坡先生集

東坡先生集

東坡先生集

東坡先生集

東坡先生集

東坡先生集

夏秋詩集

夏秋詩集

卷一

二

夏侯常侍集

夏侯常侍集題辭

潘安仁之誄夏侯孝若也曰執戟疲
楊長沙投賈余讀其詞竊嘆文人相
惜死生尤見抵疑之作班固賓戲蔡
邕釋誨流也高才淹蹟含文寫懷鋪
張問難聊代萱蘇縱觀西晉立居推

論釋勸釋時文皆近是追踪西漢邈
乎後塵矣昆弟誥總訓群子紹聞穆
侯人倫長者之書也但規模帝典僅
能形似刻鵠畫虎不無譏焉周詩上
續白華志猶束皙補亡安仁誦之亦
賦家風友朋具爾殆文以情生乎賈

謚二十四友安仁居首母氏數誚不知省改白首之讖貽親以僂孝若連璧未或同熱長歸雖先幸不及禍其離親詠有云苟違親以從利兮匪曾閔之攸寶余爲三復泣下孝弟文雅盛名得全者此爾東漢趙威豪猶嘔

血未及况他人乎

婁東張溥題

夏侯常侍集目錄

賦

雷賦

春可樂賦

秋夕哀賦

秋可哀賦

大暑賦

禊賦

梁田賦

夜聽笳賦

鞞舞賦

雀釵賦

缸燈賦

繳彈賦

觀飛鳥賦

玄鳥賦

獵兔賦

愍桐賦

芙蓉賦

石榴賦

宜男花賦

朝華賦

浮萍賦

薺賦

瓜賦

設難

抵疑

序

羊秉序

從祖叔權幼權序

誥

昆弟誥

贊

東方朔畫贊

虞舜贊

左丘明贊

顏子贊

閔子騫贊

莊周贊

管仲贊

鮑叔贊

范蠡贊

魯仲連贊

傳

外祖母憲英傳

詩

周詩

山路吟

江上泛歌

離親詠

長夜謠

寒苦謠

征邁辭

附錄

本傳

夏侯常侍集目錄終

夏侯常侍集

目錄

夏侯常侍集卷全

晉譙國夏侯湛著

明太倉張溥閱

賦

雷賦

伊朱明之季節兮，暑燠赫以盛興。
扶桑煒以揚燎兮，雷火曄以南升。
大明黯其潛曜兮，天地鬱以同蒸。
掣丹霆之皓琰兮，奮迅雷之崇崇。
馳壯音於天上兮，激駁響於地中。
徒觀其霰雹之所

種、鑿火石之所燒鑠、雲雨之所澆沃、流潦之所
淹濯、當衝則擢破、遇披則纖溺、山林爲之崩盪、
羣生爲之震碎、是以大聖變於烈風、小雅肅於
天高、嗟乾坤之神祇、今信靈化之誕昭、故先王
之制刑、擬雷霆於征伐、恢文德以經化、今耀武
義以崇烈、苟不合於大象、今焉濟道以成哲

春可樂賦

春可樂兮、樂東作之良時、嘉新田之啓萊、悅中
疇之發菑、桑冉冉以奮條、麥遂遂以揚秀、澤苗

翳渚、原卉耀阜、春可樂兮、樂崇陸之可娛、登夷
岡以迴眺、超矯駕于山隅、綴雜華以爲蓋、集繁
粧以飾裳、散風衣之馥氣、納戢懷之潛芳、鸞交
交以弄音、翠翩翩以輕翔、招君子以偕樂、攜淑
人以微行、

秋夕哀賦

秋夕兮遙長、哀心兮永傷、結帷兮中宇、屣履兮
閑房、聽蟋蟀之潛鳴、覩遊雁之雲翔、尋修廡之
飛檐、覽明月之流光、木蕭蕭以被風、階縞縞以

受霜玉機兮環轉四運兮驟遷、銜恤兮迄今忽
將兮涉年日往兮哀深歲暮兮思繁、

秋可哀賦

秋可哀兮、哀秋日之蕭條、火迴景以西流、天旣
清而氣高、壤含素霜、山結立霄、月延路以增夜、
日遷行以收暉、屏絺綌於篋笥、納綸縞以授衣、
秋可哀兮、哀新物之陳、蕪綢篠朔以歛絺、密葉
撼以隕疎、雁擢翼於太清、燕蟠形乎榛墟、秋可
哀兮、哀良夜之遙長、月翳翳以隱雲、時籠籠以

投光映前軒之踈幌，炤後帷之閑房。拊輕衾而不寐，臨虛檻而褰裳。感時邁以興思，情愴愴以含傷。

大暑賦

惟青春之謝兮，接朱明之季月。何太陽之赫曦，乃鬱陶以興熱。於是大呂統律，祝融紀節。蒸澤外熙，太陰內閉。若乃三伏相仍，徂暑彤彤。上無纖雲，下無微風。扶桑赭其增燿，天氣暍其南升。爾乃土墳墜圻，谷枯川竭。寒泉潛沸，冰井騰沫。

洪液蒸於單簞，今珠汗霑乎絺葛。溫風翕其至，
今若灑湯於玉質。沃新水以達夕，振輕箠以終
日。

禊賦

羨暮春之嘉辰，美靈氣之和柔。結方軌於泰路，
敷令節而宣遊。爾乃
鈴鳴，擢翠旗垂

繁纓微雲乘軒，清風卷旌飛輪。焱起，良馬電驚。
車駕鱗萃，男女霧會。服煥羅縠，翠翳連蓋。縈香
九於素襟，結九齡乎時外。粲爛虺韓，焜眊發越。

若乎朝春挺葩，夕霞抱月。爾乃臨清流，背綠柯，
雲幕高接，丹組四羅。
梁田賦
嬉於夷室之廣陸，步于大野之長京。察田疇之
疆畔，觀遊雉之逸形。

夜聽笳賦

越鳥戀乎南枝，胡馬懷夫朔風。惟人情之有思，
乃否滯而發中。南閭兮拊掌，北闕兮鳴笳。鳴笳
兮協節，分唱兮相和。相和兮諧慘，激暢兮清哀。

奏烽燧之初驚，展從由之歎。乖伸棄今更纏遷，
調今故顏披涼州之妙操，擿飛龍之奇引垂幽，
蘭之游響來楚妃之絕歎。放鷗鷺之弄音，散白
雪之清變。

鞞舞賦

專奇巧於樂府兮，苞殊妙乎伶人。匪繁手之未
流兮，乃皇世之所珍。在廟則格祖考兮，在郊則
降天神。納和氣於兩儀兮，通克諧乎君臣。協至
美於九成兮，等太上乎睿文。

崔釵賦

覽嘉藝之機巧、特精思於崔釵、收泉珍於八極、
納瓊異以表奇、布太陽而擬法、妙團團而應規、
於是妍姿英妙之徒、相與競嬖、飛寵並修、勅理
袿襟、整服飾黛、玄眉之琰琰、收紅顏而發色、流
盼閒步、輕袂翼翼、恃炫豔以相邈、常逍遙而侍
側、昔先王興道立教、崇冲讓以致賢、不留志於
華好、

缸燈賦

殊珍寶器、奇像妙工、取光藏烟、致巧金銅、融冶
甄流、陶形定容、爾乃隱以金翳、疏以華籠、融素
膏於回槃、發朱曜於綺窗、宣耀蘭堂、騰明廣宇、
焰煜爚于茵筵、煥炤晰乎屏組、

繳彈賦

張弱弓、理繁繳、望大羣、以送九審、追放而必獲、
觀飛鳥賦

見逸遊之高鳥、邈颺颺而殊逝、擢華毛以迅驚、
迴勁翼以揚勢、披六翮之聯翩、振輕體之迢遞、

遂乃矜形遼廓、馮虛安翔、翩翩徘徊上下、頡頏
動素羽之習習、亂白質於日光、玩流氣以差池、
弄長風以抑揚、攝雙翅以高舉、舒修頸以懷佯、
目悅妙勢、心嘉羽儀、愛惠音之嚶嚶、美弱翰之
參差、蹇高凌於景外、又抑身乎雲崖、乍來乍往、
若懸若垂、象流星之離天、似圓物之墜危、何斯
遊之自得、諒逸豫之可希、苟臨川而羨魚、亦觀
翔而樂飛

玄鳥賦

夏角常集卷之三
觀羽族之羣類、美玄鳥之翔集、順陰陽以出處、
隨寒暑而遊蟄、擢翩翩之麗容、揮連翩之玄翼、
挺參差之修尾、發緇素之鮮色、及至大火西景、
商風吹衣、遂匿形於深穴、歛六翮而不飛、含靜
泊以充肌、喻至和之精粹、澹恬心以去欲、故保
生而不匱、虞衆物之爲害、獨棄林而憑人、不驚
畏以自疏、永歸馴而附親、有受祥而皇祇、故遺
卵而生殷、惟帝皇之嘉美、置高禰以表神、類鸞
皇之知德、象君子之安仁、爾乃銜泥構巢、營居

傳、桷、積、一、喙、而、不、已、終、累、泥、而、成、屋、拾、柔、草、以、
自、藉、採、懦、毛、以、爲、蓐、吐、清、惠、之、泠、音、永、吟、鳴、而、
自、足、

獵兔賦

爾乃乘露箱、御良馬、盾戈接於廣漠、弓矢連於
曠野、端眺蒿萊、摘盱榛穢、落日攢慨、傍窺蓊蒼、
視兔兔之所隱、乃精望而審發、弦絕箭激、驚伏
並斃、搜陵危險、覓厯岡阜、留罾挂於重林、疎罝
結於通藪、密驚視於草間、暫見之於蒙茸、擬以

銳父規以良弓、覩毫末而放鏃、乃殪之於窟中、
或紛歟赫、以驚鶩影、跳竦而揚白、擢輕足之煢、
煢振遊形之躍躍、弓不暇彎、且不及幕、爾乃鷹
鷂翻以飄揚、勁翼謾而下、獬馬釋控以長騁、鬱
騰空而陵厲、翕習於迴阻之間、繚繞於山澤之
際、盤紆遊田、其樂泄泄、心旣倦、今日遷命、輿駕
今將還、息徒蘭圃、秣驥華田、目送歸鴻、手揮五
絃、優哉游哉、聊以永年

有南國之陋寢，植嘉桐乎前庭。闡洪根以誕茂，
豐修幹以繁生。納谷風以疏葉，含春雨以濯莖。
濯莖天天，布葉藹藹。蔚童童以重茂，蔭蒙接而
相葢。蔽陰澹之南表，覆陽阿之北外。於是詰朝
之暇，步趾前廡。春以遊目，夏以清暑。昔詩人之
所稱，美厥生之攸奇。植匪崗其不滋，識非條其
不儀。

芙蓉賦

臨清池以遊覽，觀芙蓉之麗華。潛靈藕於玄泉，

擢修莖乎清波、煥然蔭沼、灼爾星羅、若乃迴縈
外散、齒莖內離、的出豔發、葉恢花披、緣房翠蒂、
紫飾紅敷、黃螺圓出、垂蕤散舒、纓以金牙、點以
素珠、固陂池之麗觀、尊終世之特殊、爾乃採瀄
葩、摘圓質、析碧皮、食素實、味甘滋而清美、同嘉
異乎橙橘、參嘉果以作珍、長充御乎口實

石榴賦

覽華圃之嘉樹、今羨石榴之奇生、滋立根於夷
壤、今擢繁榦於蘭庭、霑靈液之粹色、今含渥霧

以深榮若乃時雨新稀微風扇物藹萋萋以鮮
茂兮紛扶輿以翳鬱枝摻稔以環柔兮葉鱗次
以周密纖條參差以窈窕兮洪柯流離以相拂
於是乎青陽之末朱明之初翕微煥以摘采兮
的窟礫以揚敷接翠萼於綠帶兮冒紅牙以丹
鬚赭然含蕤璀璨爾散珠若乃叢統始裏聚葩方
離潛暉婉豔綠采未披照灼攢列熒熒玄垂雪
醒解銷怡神實氣冠百品以奇仰邁衆果而持
貴

宜男花賦

淑大邦之奇草兮，應則百之休祥。稟至貞之靈
氣兮，顯嘉名以自彰。冠衆卉之挺生兮，承木德
于少陽。體柔性剛，蕙潔蘭芳。結纖根以立本兮，
靈渥液於青雲。順陰陽於滋茂兮，笑含章之有
文。遠而望之，若丹霞照青天。近而觀之，若芙蓉
鑒綠泉。萋萋翠葉灼灼朱華，曄若珠玉之樹。煥
若景宿之羅，充后妃之盛飾兮，登紫微之內庭。
回日月之暉光兮，隨天運以盈虛。

朝華賦

谷神樹之修異，實積陽之純精。蜿蜒潛根以誕節，
據川壤以擢莖。皎日升而朝華，玄景逝而夕零。
逮明晨而繁沸，若靜夜之衆星。長莖攢起，柔條
列布。濯靈柯於時雨，滋逸采於豐露。灼煌煌以
煒煒，獨崇朝而達暮。於是茂樹蒼蒼，纖枝翩翩。
潛光玉朗，綠葉翠鮮。

浮萍賦

步長渠以遊目，今覽隨波之微草。紛漂漈以澄

茂兮，羗孤生於靈沼，因纖根以自滋兮，乃逸蕩
乎波表，散圓葉以舒形兮，發翠綠以含縹，蔭修
魚之華鱗兮，翳蘭池之清潦，旣淡澹以順流兮，
又離容以隨風，有纏薄於崖側兮，或迴滯乎湍
中，紛上下其靡常兮，漂往來其無窮，仰熙陽曜
俯憑綠水，渟不安處，行無定軌，流息則甯，濤擾
則動，浮輕善移，勢危易盪，似孤臣之介立，隨排
擠之所往，內一志以奉朝兮，外結心以絕黨，萍
出水而立枯兮，士失據而身枉，覩斯草而慷慨

今。固知直道之難來。

薺賦

寒冬之日，余登乎城，跬步乎北園，覩衆草之萎悴，覽林果之零殘，悲纖條之槁摧，愍枯葉之飄殫。見芳薺之時生，被畦疇而獨繁，鑽重冰而挺茂，蒙嚴霜以發鮮。含盛陽而弗萌，在太陰而斯育。永安性於猛寒，羌無甯乎煖燠。齊精氣於款冬，均貞固乎松竹。

瓜賦

入菓林造瓜田摘虎掌拾黃班落蒂離母潰於
清泉

設難

抵疑

當路子有疑夏侯湛者而謂之曰吾聞有其才而不遇者時也有其時而不遇者命也吾子童幼而岐嶷弱冠而著德少而流聲長而垂名拔萃始立而登宰相之朝揮翼初儀而受卿尹之舉盪典籍之華談先王之言入閭闔躡丹墀染彤管吐洪輝干當世之務觸人主之威有效矣而官不過散郎舉不過賢良鳳棲五期龍蟠六

年英耀禿落、羽儀摧殘而獨離容藝、文蕩駘儒、林、志不輟著述之業、口不釋雅頌之音、徒費精而耗力、勞神而苦心、此術亦已薄矣、而終莫之辯、宜吾子之陸沈也、且以言乎才、則吾子優矣、以言乎時、則子之所與二三公者、義則骨肉之固、交則明道之觀也、富於德、貴於官、其所發明、雖叩牛操築之客、僇賃抱關之隸、負俗懷譏之士、猶將登爲大夫、顯爲卿尹、於何有寶咳唾之音、愛錙銖之力、向芒垂一鱗、回一翼、令吾子攀

其飛騰之勢，挂其羽翼之末，猶奮迅於雲霄之際，騰驤於四極之外，今乃金口玉音，漠然沉默，使吾子棲遲窮巷，守此困極，心有窮志，貌有饑色，咨江河之流，不以濯舟船之畔，惜東壁之光，不以寓貧婦之目，抑亦二三公之蔽賢也。寔吾子之拙惑也。夏侯子曰：噫，湛也。幸有過人，必知之矣。吾子所以褒飾之大矣。斟酌之喻，非小醜之所堪也。然過承古人之誨，抑因子大夫之忝在敝室，敢布其腹心，豈能隱几以覽其槩乎？客

曰敢祇以聽夏侯子曰吾聞先大夫孔聖之言德之不修學之不講聞義不能徙不善不能改是吾憂也四德具而名位不至者非吾任也是以君子求諸已小人求諸人僕也承門戶之業受過庭之訓是以得接冠帶之末充乎士大夫之列頗閱六經之文覽百家之學弱年而入公朝蒙蔽而當顯舉進不能拔羣出萃却不能抗排當世志則乍顯乍昧文則乍幽乍蔚知之者則謂之欲逍遙以養生不知之者則謂之欲遑

遑以求達此皆未是僕之所匱也僕又聞世有
道則士無所執其節黜陟明則下不在量其力
是以當舉而不辭入朝而酬問僕東野之鄙人
頑直之陋生也不識當世之便不達朝廷之情
不能倚靡容悅出入崎傾逐巧黠妍嘔喁辯佞
隨群班之次伏簡墨之後當此之時若失水之
魚喪家之狗行不勝衣言不出口安能干當世
之務觸人主之威適足以露狂簡而增塵垢縱
使心有至言言有偏直此委巷之誠非朝廷之

欲也。今天子以茂德臨天下，以八方六合爲四境，海內無虞，萬國立靜，九夷之從王化，猶洪聲之收清響，黎苗之樂函夏，若遊形之招惠景，鄉曲之徒一介之士，曾諷急就，習甲子者，皆奮筆揚文，議制論道，出草茅，起林藪，御青瑣，入金墉者，無日不有，充三臺之寺，盈中書之閣，有司不能竟其文，當年不能編其籍，此執政之所厭聞也。若乃群公百辟，卿士常伯，被朱佩，紫耀金帶，白坐而論道者，又克路盈寢，黃幄玉階之內，飽

其尺牘矣。若僕之言，皆糞土之說，消磨灰爛垢辱，招穢適可充衛士之爨，盈掃除之器。譬猶投盈寸之膠，而欲使江海易色；燒一羽之毛，而欲令大鑪增勢；若燎原之烟，彌天之雲，噓之不益，其焚翕之不滅其氣。今子見僕入朝，覲對便欲坐望高位，吐言數百，便謂陵嶒一世。何吾子之失評也。僕固脂車以須放，秣馬以待却，反耕於枳落，歸志乎渦瀨，從容乎農夫，優游乎卒歲矣。古者天子畫土以封群后，羣后受國以臨其邦。

懸大賞以樂其成、列九伐以討其違、興衰相形、
安危相傾、故在位者以求賢爲務、受任者以進
才爲急。今也則九州爲一家、萬國爲百郡、政有
常道、法有恒訓、因循而禮樂自定、揖讓而天下
大順、夫道學之貴游、間邑之搢紳、皆高門之子、
世臣之胄、弘風長譽、推成而進、悠悠者皆天下
之彥也、諷詁訓傳、詩書講儒墨、說玄虛、僕皆不
如也、二三公之簡僕於凡庸之肆、顯僕於細猥
之中、則爲功也重矣、時而清談則爲親也、周矣、

且古之君子不知士則不明不安是以居逸而
思危對食而肴乾今也則否居位者以善身爲
靜以寡交爲慎以弱斷爲重以怯言爲信不知
士者無公誹不得士者不私愧彼在位者皆稷
契咎益伊呂周召之倫叔豹仲熊之儔稽古則
踰黃唐經緯則越虞夏茂昆吾之功嗤桓文之
勲抵拙管仲蹉跎晏嬰其遠則欲升鼎湖近則
欲超太平方將保重齋神獨善其身立白冲虛
仡爾養真雖力挾太山將不舉一羽揚波萬里

將不濯一鱗、咳唾成珠玉、揮袂出風雲、豈肯蹀
躞鄙事、取才進人、此又吾子之失言、子獨不聞
夫神人乎、噏風飲露、不食五穀、登太清、遊山嶽、
靡芝草、弄白玉、不因而獨備、無假而自足、不與
人路同嗜欲、不與世務齊榮辱、故能入無窮之
門、享不死之年、以此言之、何待進賢、客曰、聖人
有言曰、邦有道貧且賤焉、耻也、今子值有道之
世、當太平之會、不攘袂奮氣、發謀出奇、使鳴鶴
受和好爵、見縻抑、乃沈身郎署、約志勤卑、不亦

羸哉且伊尹之干成湯甯戚之迕桓公或投已
鼎俎或庸身飯牛明廢興之機歌白水之流德
入殷王義感齊侯故伊尹起庖厨而登阿衡甯
戚出車下而階大夫外無微介內無請謁矯身
擢手徑躡名位吾子亦何不慕賢以自厲希古
以慷慨乎夏侯子曰嗚呼是何言歟富與貴是
人之所欲非僕之所惡也夫千將之劔陸斷狗
馬水截蛟龍而鉛刀不能入泥騏驎驊之乘
一日而致千里而駑蹇不能邁畝百鍊之鑑別

鬚眉之數而壁土不見泰山、鴻鵠一舉、橫四海之區、出青雲之外、而尺鷃不陵桑榆、此利鈍之較、優劣之決也。夫欲進其身者、不過千萬乘、而僕已上朝堂、荅世問、不過顯所知、而僕已竭心思、盡才學、意無雅正可準、論無片言可採、是以頓於鄙劣、而莫之能起也。以此言之、僕何爲其不自銜哉？子不嫌僕德之不劭、而疑其位之不肖也。若乃伊尹負鼎以干湯、呂尚隱遊以徼

文傳說操築以寤主甯戚擊角以要君此非僕
所能也莊周駘蕩以放言君平生卜以自賢接
輿陽狂以蔽身梅福棄家以求仙又非僕之所
安也若乃季札抗節於延陵揚雄覃思於太玄
伯玉和柔於仕懷柳惠三絀於士官僕雖不敏
竊頗彷彿其清塵

夏傳常集

卷三

六

序

羊秉序

羊秉爲撫軍叅軍少亡有令譽夏侯孝若爲之叙極相讚悼羊權爲黃門侍郎侍簡文坐帝問曰夏侯湛作羊秉序絕可想是卿何物

秉字長達太山平陽人漢南陽太守續曾孫大父魏郡府君卽車騎掾元子也府君夫人鄭氏無子乃養秉齠齬而佳小心敬慎十歲而鄭夫人薨秉思容盡哀俄而公府掾及夫人並卒秉羣從父率禮相承人不間其親雖離如也仕參

撫軍將軍事將奮千里之足揮冲天之翼惜乎
春秋三十有二而卒昔罕虎死子產以爲無與
爲善自夫子之沒。有子產之歎矣。亡後有子男
又不育。是何行善而禍繁也。豈非司馬生之所
惑歟。

從祖叔權幼權序

稱字叔權。自孺子而好合。聚童兒爲之渠帥。戲
必爲軍旅戰陳之事。有違者輒嚴以鞭捶。衆莫
敢逆。淵陰奇之。使讀項羽傳。及兵書。不肯曰。能

則自爲耳。安能學人。年十六。淵與之田。見奔虎。稱驅馬逐之。禁之不可。一箭而倒。名聞太祖。太祖把其手。喜曰。我得汝矣。與文帝爲布衣之交。每讌會。氣陵一坐。辯士不能屈。世之高名者。多從之游。年十八。卒。弟榮。字幼權。幼聰慧。七歲能屬文。誦書日千言。經目輒識之。文帝聞而請焉。賓客百餘人。人一奏刺。悉書其鄉邑名氏。世所謂爵里刺也。客示之一。寓目使之遍談。不謬一人。帝深奇之。漢中之敗。榮年十三。左右提之走。

不肖。曰君親在難。焉所逃死。乃奮劒而戰。遂沒陣。

誥

昆弟誥

惟正月才生魄湛若曰咨爾昆弟淳琬琰謨總
瞻古人有言孝乎惟孝友于兄弟死喪之戚兄
弟孔懷又曰周之有至德也莫如兄弟於戲古
之載于訓籍傳于詩書者厥乃不思不可不行
爾其專乃心一乃聽砥礪乃惟以聽我之格言
淳等拜手稽首湛若曰嗚呼惟我皇乃祖滕公
肇釐厥德厥功以左右漢祖弘濟于嗣君用垂

祚于後世世增敷前軌濟其好行美德明允相
繼冠冕胥及以逮于皇曾祖愍侯寅亮魏祖用
康又厥世遂啓土宇以大綜厥勲于家我皇祖
穆侯崇厥基以允釐顯志用恢闡我令業維我
后府君侯祗服哲命欽明文思以熙柔我家道
丕隆我先緒欽若稽古訓用敷訓興藉乃綜其
微言嗚呼自三墳五典八索九邱圖緯六藝及
百家衆流罔不探賾索隱鉤深致遠洪範九疇
彝倫攸敘乃命世立言越用繼尼父之大業斯

文在茲、且九齡而我王母薛妃登遐、我后孝思罔極、惟以奉于穆侯之繼室蔡姬、以致其子道、蔡姬登遐、隘于穆侯之命、厥禮乃不得成、用不祔于祖姑、惟乃用騁其永慕、厥乃以疾辭位、用遜于厥家、布衣席橐、以終于三載、厥乃古訓無文、我后丕孝其心、用假于厥制、以穆于世父、使君侯惟伯后聰明睿智、奕世載德、用慈友于我后、我惟烝烝是虔、罔不克承厥誨、用增茂我敦篤、以播休美于一世、厥乃可不遵、惟我用夙夜

匪懈日鑽其道而仰之彌高鑽之彌堅我用欲
罷不敢豈惟予躬是懼實令跡是奉厥乃晝分
而食夜分而寢豈唯令跡是畏實爾猶是儀鳴
呼余其敬哉俞余聞之周之有至德有婦人焉
我母氏羊姬宜慈愷悌明粹篤誠以撫訓羣子
厥乃我亂齒則受厥教于書學未遑惟甯敦詩
書禮樂孳孳弗倦我有識惟與汝服厥誨惟仁
義惟孝友是尚憂深思遠祇以防于微翳義形
於色厚愛平恕以濟其寬裕用緝和我七子訓

迫我五妹，惟我兄弟姊妹，束修慎行，用不辱于冠帶。實母氏是憑，余其爲政。蕞爾惟母氏仁之不行，是戚余其望色，思寬獄之不情，教之不泰，是訓予其納戒。思詳，嗚呼，惟母氏信著于不言，行感于神明。若夫恭事于蔡姬，敦穆于九族，乃高于古之人，古之人厥乃千里承師，矧我惟父惟母，世德之餘烈，服膺之弗可及，景仰之弗可階。汝其念哉，俾羣弟天祚于我家，俾爾咸休明，是履，滄英哉，文明柔順，琬乃沉毅，篤固惟瑄，厥

清粹平理，謨茂哉雋哲寅亮，總其弘肅，簡雅瞻
乃純鑠惠和，惟我蒙蔽，極否于義訓，嗟爾六弟，
汝其滋義，洗心以補予之尤，余乃亦不敢忘汝
之闕，嗚呼，小子瞻汝其見予之長于仁，未見予
之長於義也，瞻曰，俞以如何，湛若曰，我之肇于
總角，以逮于弱冠，暨于今之二毛，受學于先載，
納誨于嚴父慈母，予其敬怠于厥身，而匡予之
纖介，翼予之小疵，使予有過，未曾不知，余知之
道，改惟冲子是賴，予親于心，愛于中，敬于貌，厥

乃口無擇言柔惠且直廉而不劌肅而不厲厥
其成予哉用集我父母之訓庶明厲翼邇可遠
在茲瞻拜手稽首曰俞湛曰都在修身在愛人
瞻曰吁惟聖其難之湛曰都厥不行惟難厥行
惟易滄曰俞明而昧崇而俾冲而恒顯而賢同
而疑厲而柔和而矜湛曰俞乃言厥有道滄曰
俞祇服訓湛曰來琬汝亦昌言琬曰俞身不及
於人不敢墮於勤厥故惟新湛曰俞瑄亦昌言
瑄曰俞滋敬于已不滋敬于已惟敬乃恃無忘

有耻，湛曰：俞，謨亦昌言。謨曰：俞無忘於不可不虞形貌，以心訪心於虞。湛曰：俞，總亦昌言。總曰：俞，若憂厥憂以休。湛曰：俞，瞻亦昌言。瞻曰：俞，復外惟內，取諸內，不忘諸外。湛曰：俞，休哉。淳等拜手稽首。湛亦拜手稽首，乃歌曰：明德復哉，家道休哉。世祚悠哉，百祿周哉。又作歌曰：訊德恭哉，訓翼從哉。內外康哉，皆拜曰：欽哉。

贊

東方朔畫贊

有序

大夫諱朔字曼倩，平原厭次人也。魏建安中，分厭次以爲樂陵郡，故又爲郡人焉。事漢武帝，漢書具載其事。先生瓌瑋博達，思周變通，以爲濁世不可以富貴也。故薄游以取位，苟出不可以直道也。故頡頏以傲世。傲世不可以垂訓也。故正諫以明節。明節不可以久安也。故詆諧以取容。潔其道而穢其迹，清其質而濁其文，弛張而

不爲邪，進退而不離羣，若乃遠心曠度，瞻智宏材，倜儻博物，觸類多能，合變以明筭，幽贊以知來，自三墳五典，八索九邱，陰陽圖緯之學，百家衆流之論，周給敏捷之辯，支離覆逆之數，經脉藥石之藝，射御書計之術，乃研精而究其理，不習而盡其功，經目而諷於口，過耳而聞於心，夫其明濟開豁，包含弘大，陵轢卿相，嘲哂豪傑，籠罩靡前，跼藉貴勢，出不休顯，賤不憂戚，戲萬乘若寮友，視儔列如草芥，雄節邁倫，高氣蓋世，可

謂拔乎其萃，游方之外者已。譚者又以先生噓
吸冲和，吐故納新，蟬蛻龍變，棄俗登僊，神交造
化，靈爲星辰，此又奇怪惚恍，不可備論者也。大
人來守此國，僕自京都言歸定省，覩先生之縣
邑，想先生之高風，徘徊路寢，見先生之遺像，逍
遙城郭，觀先生之祠宇，慨然有懷，乃作頌焉。其
辭曰

矯矯先生，肥遯居貞，退不終否，進亦避榮，臨世
濯足，希古振纓，涅而無滓，旣濁能清，無滓伊何

高明克柔，能清伊何。視污若浮，樂在必行。處淪
罔憂，跨世陵時。遠蹈獨游，瞻望徃代。爰想遐蹤，
邈邈先生。其道猶龍，染迹朝隱。和而不同，棲遲
下位。聊以從容。我來自東，言適茲邑。敬問墟墳，
企佇原隰。墟墓徒存，精靈永戢。民思其軌，祠宇
斯立。徘徊寺寢，遺像在圖。周旋祠宇，庭序荒蕪。
榱棟傾落，草萊弗除。肅肅先生，豈焉是居。是居
弗形，悠悠我情。昔在有德，罔不遺靈。天秩有禮，
神監孔明。彷彿風塵，用垂頌聲。

虞舜贊

有虞惇惇、揖讓鼓琴、垂拱臨民、詠彼南音、世澄
道立、天下混心、民思王度、如玉如金、

左邱明贊

世亂讒勝、君子道憂、邱明達聖、致志春秋、微言
逃難、旁行不流、庶幾斯文、希志訓猷、

顏子贊

知章知微、體深研機、明象介石、量同聖師、探賾
罔滯、在言靡遺、仰之惟高、瞻之攸希、

閔子騫贊

聖旣擬天、賢亦希聖、蒸蒸子騫、立體忠正、干祿
辭親、事親盡敬、勉心景迹、擢辭流詠、

莊周贊

邁邁莊周、騰世獨遊、邈時放言、齊物絕尤、垂釣
一壑、取戒犧牛、望風寄心、託志清流、

管仲贊

堂堂管生、志存與仁、仁道在已、唯患無身、包辱
遠害、思濟彝倫、心寄鮑子、動成生民、

鮑叔贊

鮑叔愔愔式昭德音、綢繆敬叔、二人同心、厥芳猶蘭、其堅如金、遙遙景迹、君子攸欽、

范蠡贊

悠悠范子、求仁在已、進報危國、退弘妙理、身與勲偕、名與身否、逸羣遠遊、永齊終始、

魯仲連贊

我哉先生、有邈其節、流仁憂亂、抗道自絜、隨事抑揚、與時開闔、在幽能泰、處悶惟悅、

...

...

...

...

...

...

...

...

傳

外祖母憲英傳

憲英聰明有才鑒。初文帝與陳思王爭爲太子。旣而文帝得立。抱毗頸而喜曰。辛君知我喜不。毗以告憲英。憲英歎曰。太子代君主宗廟社稷者也。代君不可以不戚。主國不可以不懼。宜戚而喜。何以能久。魏其不昌乎。弟敞爲大將軍。曹爽參軍。司馬宣王將誅爽。因爽出閉城門。大將軍司馬曾芝將爽府兵犯門。斬關出城門。赴爽。

來呼敝俱去。敝懼問憲英曰：天子在外，太傅閉城門，人云將不利國家於事，可得爾乎？憲英曰：天下有不可知，然以吾度之，太傅殆不得不爾。明皇帝臨崩，把太傅臂，以後事付之。此言猶在朝士之耳。且曹爽與太傅俱受寄託之任，而獨專權勢，行以驕奢，與王室不忠，與人道不直，此舉不過以誅曹爽耳。敝曰：然則事就乎？憲英曰：得無殆就爽之才，非太傅之偶也。敝曰：然則敝可以無出乎？憲英曰：安可以不出？職守人之大

義也。凡人在難，猶或恤之。爲人執鞭而棄其事，不祥不可也。且爲人死，爲人任親昵之職也。從衆而已，敝遂出。宣王果誅爽，事定之後，敝歎曰：吾不謀於姊，幾不獲於義。逮鍾會爲鎮西將軍，憲英謂從子羊祜曰：鍾士季何故西出？祜曰：將爲滅蜀也。憲英曰：會在事縱恣，非特久處下之道。吾畏其有他志也。祜曰：季母勿多言，其後會請子琇爲參軍。憲英憂曰：他日見鍾會之出，吾爲國憂之矣。今日難至吾家，此國之大事，必不

得止也。琇固請司馬文王，文王不聽。憲英語琇曰：「行矣，戒之。」古之君子，入則致孝於親，出則致節於國，在職思其所司，在義思其所立，不遺父母憂患而已。軍旅之間，可以濟者，其惟仁恕乎？汝其慎之。琇竟以全身。憲英年至七十有九，泰始五年卒。

道逶迤兮嵐氣清，攬轡兮抑馬，踟躕兮曠野，曠
野疆兮遼落，崇岳兮嵬嶸，邱陵兮連離，卉木兮
交錯，淥水兮長流，驚濤兮拂石，

江上泛歌

悠悠兮遠征，倏倏兮暨南荆，南荆兮臨長江，臨
長江兮討不庭，江水兮浩浩，長流兮萬里，洪浪
兮雲轉，陽侯兮奔起，驚翼兮垂天，鯨魚兮岳跖，
蘼蕪兮紛兮被臯陸，修竹鬱兮翳崖趾，望江之南
兮，遨目桂林，桂枝蓊鬱兮，鳴雞揚音，凌波兮願

濟舟楫不具兮，江水深沈，嗟迴盼於北夏，何歸軫之難尋。

離親詠

剖符兮南荆，辭親兮遐征，發軔兮皇京，夕臻兮泉亭，撫首兮內顧，按轡兮安步，仰戀兮後塗，俯歎兮前路，既感物以永思兮，且歸身乎懷抱，苟違親以從利兮，匪曾閔之攸寶，視微榮之瑣瑣兮，知吾志之愈小，獨申愧於一心兮，慙報德之彌少。

長夜謠

日暮兮初晴，天灼灼兮遐清。
披雲兮歸山，垂景兮照庭。
列宿兮皎皎，星稀兮月明。
亭檐隅以逍遙兮，盼太虛以仰觀。
望閭闔之昭晰兮，麗紫微之暉煥。

寒苦謠

惟立冬之初夜，天慘慄以降寒。
霜皚皚以被庭，冰澌澌於井幹。
草槭槭以疏葉，木蕭蕭以零殘。
松隕葉於翠條，竹摧柯於綠竿。

征邁辭

上伊闕兮臨川拊駿馬兮授鞍中衢兮截歎歎
鞚兮盤桓

本傳

夏侯湛字孝若，譙國譙人也。祖威，魏兗州刺史。父莊，淮南太守。湛幼有盛木文章，宏富善構新詞，而美容觀，與潘岳友善。每行止同輿，接茵京。都謂之連璧。少爲太尉掾。泰始中，舉賢良對策中第，拜郎中。累年不調，乃作抵疑以自廣。後選補太子舍人，轉尚書郎，出爲野王令。以卹隱爲急，而緩於公調。政清務閑，優游多暇。乃作昆弟誥，居邑累年，朝野多歎其屈。除中書侍郎，出補

南陽相遷太子僕。未就命而武帝崩。惠帝卽位。以爲散騎常侍。元康初卒。年四十九。著論三十餘篇。別爲一家之言。初湛作周詩。成以示潘岳。岳曰。此文非徒溫雅。乃別見孝悌之性。岳因此遂作家風詩。湛族爲盛門。性頗豪侈。侯服玉食。窮滋極珍。及將沒。遺命小棺薄歛。不修封樹。論者謂湛雖生不砥礪名節。死則儉約令終。深達存亡之理。

史臣曰。孝若揆蔚春華。時標麗藻。觀其抵疑詮

理。本窮通於自天。作誥敷文。流英聲於孝悌。旨
深致遠。殊有大雅之風烈焉。

贊曰。湛稱弄翰。縟彩彫煥。才高位卑。往哲攸嘆。

夏侯常侍集終



